

Morena ke thušo le maatla a rena

Thero mo Psalme 146

Palo ya Beibele: Psalme 146

Temanathero: Psalm 146

Wa lehlogonolo ke eo, a nago le Modimo a Jakobo mo go yena, wo tshepo ya gagwe e lego go Morena, Modimo wa gagwe.

Temana ye e tšwa mo go Psalme, yeo e thomago ka mantšu ao a rego Hallelujah. Seo se ra gore: a re tumišeng Modimo. Mo košeng ye moreti a laetša gore se ke lebaka la gore a be gona mo lefase: go tumiša Mmopi wa gagwe, Modimo. Mo košeng ye re kwa tebogo ya gore o kgona go phela, gomme o laetše maikemišetšo a gagwe a go tumiša Modimo ge 'a sa phela' (temana ya 2). Ye ke tsela yeo kosa e thomago ka gona.

Gomme sereti se hlaloša ka mo go lego botše ka gona gobane Modimo mo go wena. E sego go batho bao ba sa dumelego go Yena, empa bao ba sa nyakego go humana thušo bathong ba bangwe. Ke botlaela bjo bokaaka! O se ke wa tshepa thušo ya batho. O se ke wa tshepa maatla a batho. Batho ba ka se kgone go go nea phološo. Motho a ka ba kgona lehono, empa a timelela ka moswana. Ge moya wa gagwe o emiša, o boela mo mobung. Ka mahlo a rena mohlomongwe re ka bona monna yo maatla, ka boikgogomošo, le thoromo, empa seo o se bonago lehono, se ka timelela ka moswana.

Go seo go na le seo motho yo a nago le Modimo wa Jakobo go yena a nago le sona! Modimo yo o sa mmonego ka mahlo a nama, empa thušo ya gagwe ke ya maleba, gomme ke moba gona neng le neng.

Wa lehlogonolo ke yo a nago le Modimo yo go yena. Yo ga se modimo fela, yo dinaga tše dintši di mo šomišago, empa o kgethegile: ke Modimo wa Jakobo. O bitšwa Morena. Mo košeng ye go na le tebelelo ye bohlokwa mo leineng la Morena. Re bala: MORENA ka dihlaka tše di kgolo tše nne, se se re šupetša go leina la maleba la Modimo: Jahwe ka seheberu. Leina le le na le patlalalo ye bohlokwa. Modimo yo o dirile history. Ke Yena a hloedilego magodimo, lefase le lewatele (temana ya 6). Se se ra gore: o dirile tšohle tše di lego gona. Ke Mohlodi wa dilo ka moka. O di dirile, Modimo yo wa Jakobo.

Tsela yeo sereti se bitšago Modimo – Modimo wa Jakobo – go tliša dikgopolo tša kgale tše dintši. Ana e be e se Modimo yo, Modimo wa Jakobo, yo a dirilego mehlolo ya dika mo historing? Jakobo – o a tseba – ke tata go batho ba Isiraele. Nagana fela seo Modimo yo a se diritšego batho ba gagwe nakong ye e fetilego! O ba ntšhitše Egipita. O omišitše lewatele gore ba kgone go feta. O dirile bjalo gape mo nokeng ya Jordane. Ka mehlolo o dirile gore maboto a Jericho a wele fase. Gomme o ka tšwela pele. Mehlolo e mentši ya dika yeo e sa balegego ya go makatša mo nakong yeo a fetilego. Modimo yo o tlišitše toka go bao ba gateletswego. O neile batho borotho. O lokolotše bao ba golegilwego. O butše mahlo a difofu. Yo ga se modingwana, ke Modimo wa nnetel! Yo ke Modimo yo o ka lebelelago se sengwe go yena. O mo kgauswi, o na le taba le tshenyego ya batho. Gomme gape: wa lehlogonolo ke wena ge o na le Yena mo go wena!

Go gopotšwa gape mantšu a psalme yengwe: wa lehlogonolo ke eo a tshepelago mo go Modimo, o tlile go ba bjalo ka mohlare, wo o medilego pele ga noka. Goba bjalo ka ge moporofeta Jeremia a bolela (Jer 17:7): wa lehlogonolo ke monna yo a beago tshepo ya gagwe go MORENA, o tlile go ba bjalo ka mohlare, wo o medilego mo meetseng, wo medu ya ona o fihlago mo nokeng, gomme ge letšatši le phišo di etla, o ka se ke wa onala, matlakala a ona a tlile go dula, a le a matala. Ka ngwaga wa komelelo o ke se šišinyege, o tlile go tšwela pele go enywa dienywa.

Bana bešo, le ba lehlogonolo ge le tseba Modimo yo.

Ka lebaka la modiro wa mošomo wa bagaši le humana le kgonagalo ya go phela mo kgauswi le Modimo. Ka lerato la gagwe leo le sa felego, Modimo o tlile mo tšeleng ya gago. Le wena o tsebišwa ka ga mehlolo ka moka yeo Modimo yo a e dirago, mo nakong ye e fetilego, le nakong ya bjale. O bewa mo sebakeng sa go phela le Modimo le go thoma go mo tshepa. O mo tseba, e se go fela bjalo ka Mmopi wa gago, empa le bjalo ka Mophološi wa gago. O ke mohlolo o mogolo wo Modimo a o diritšego batho. Morwa wa gagwe o bapotšwe gore a phološe bophelo bja gago. O ka thoma go phela go ya ka mo o lebaletšwego dibe mo leineng la Jesu. O ka phela o lemoga gore Modimo o a go rata.

O ka opela le mantšu a psalme engwe: ke bile moya wa ka bodulong, ke homoditše moya wa ka, wo o bego o tletše ka letšhogo. Bjalo ka ngwana ge a etla go khutša matsweleng a mmagwe, bjalo ka ngwana a fiwa dijo ke mmagwe, bjale le nna ke tla go khutša mo go Morena.

Ke tshepa Yena. Nka bea bophelo bja ka matsogong a gagwe. le Modimo yo o tlile go bolokega ka dinako tšohle, mo bophelong le mo lehung ye ke yona kgothatšo ya gago fela. Le ge lehu le ka tla thoko ya gago, o tlile go khutša. E ka ba re a phela, gobe re a hwa, re ba Modimo. Re phelela go tumiša Modimo.

Gomme ge o ehwa, bophelo bja gago bo tšwela pele le Modimo. Gomme wa lehlogonolo le wena, e se go fela mo bophelong bjo, empa o tlile go šegofatšwa, le ka thoko ya lehu. Wa lehlogonolo ke eo, a nago le Modimo wa Jakobo mo go yena.

Ke nnete lehu le tšwela pele go ba le lenaba le legolo, gomme ka letšatši leo le fetago ka lona, re a le tshaba. Re nyaka go šuthiša letšatši leo nakong ye telele ge go kgonagala. Empa Modimo o a tshepiša gore o tlile go ba gona, ka dinako tšohle a na le rena, le ge re ka sepela mo molapong wa moriti wa lehu. Seo se tswenyago kudu ka lehu, Jesu o se tlošitše. Lehu ga le sa phela go ya go ile, lehu ke la modumedi yo a sa yego diheleng, re leboga Jesu, sehlabelo sa gagwe sefapanong, re leboga tsogo ya gagwe mo lebitleng. Re ka swarelela ditshepišo tša phološo. Lehu ga le na lentšu la bofelo. Empa Jesu Kriste, Mophološi wa rena, ke kgoši ya bophelo.

Ge re sa swarelele mo bophelong bjo go tšwela pele go ba boima, kudukudu ge o swanetše go dumelela gore motho yo mongwe a sepele. Lehu le tliša kगतologanyo yeo e ka se kgonego go boela morago mo bophelong. Empa Psalme 146 e re netefaletša gore Modimo ga a re tlogele fela. Bjalo ka ge re bala: ke Morena, yo kgaugelo ya gagwe e neago lesedi go difofu, motho yo a rwalago boima bja mahloko go yena, o tlile go tlišwa ke Yena. Ke Morena, yo ka mahlo a gagwe, a hlokomelago bao ba tlogetšwego e le dišwana, le go bahlologadi, gomme le go bao ka moka ba hlokofatšwego ka lebaka la mahloko. O tlile go ba rwala ka lerato la kgaugelo ya gagwe. O na le taba le tshenyego ya gago. O a go gopola mo mahlokong a gagwe. Le Yena, di a mo ama. Ka nnete wa lehlogonolo ke wena ge mo bophelong bjo o na le Modimo wa Jakobo bjalo ka Mothuši wa gago.

Le ke lebaka le lengwe leo le dirago gore re kopanele Sontaga le Sontaga. Go tumiša Modimo, go hlompha Yena, godimo ga dilo tšohle tšeo a re direlago tšona mo bophelong. Go humana kgothatšo go Yena, kudukudu mo matšatšing a tlhobogo. Re a tlhoboga ge motho a ithobalela, empa mo kerekeng re humana kgothatšo ya Modimo. Ge madimo a lefase a re wela, re na le leswika leo le tiilego leo re a gago mo go lona. Leswika la phološo ya rena, Jesu Kriste.

Yena re a mo godiša le go mo tumiša. Re a mo tumiša ka go ba mo kerekeng mo lefaseng. Empa kereke ya legodimong – bao ba šetšego ba na le Yena – le bona ba a mo tumiša.

Ka mantšu a Psalme ya 146 re a hlohleletšana go dula mo tumelong mo go Morena. Gomme ka mantšu a Psalme ya 146 re gopotšana ka lehumo le legolo leo re le humanego mo polokegong ya gagwe, mo ditšhegofatšong tša gagwe, gomme godimo ga tšohle, ge a re phološa mo sebeng le lehung leo le sa felego. A re gopotšaneng, a re kgalemelaneng, a re hlohleletšaneng ka koša ye:

O se ke wa bea tshepo mo go mmuši goba kgoši, e ka ba monna yo bohlale:
Mo go yena a go na thušo goba maatle;
Ge moya wa gagwe o etšwa, o a hwa,
Gomme dipeakanyo tša gagwe tša ka mehla di a senyega ge a boela leroleng.

Wa lehlogonolo ke yo a naga le mothuši
Yo a theetšago dikgopelo tša gagwe,
Modimo wa Jakobo, Morena ke yo bolo;
O dirile legodimo le lefase le lewatle,
Le diphedi ka moka tša faseng;
O dula a lokile.

Amene.